


Öise Lade 8-2009, p. 54

«Ti na vas betg en il Volg – era sche ils auters van!» Ir en il Volg a cumprar dutscharias – il paradis sin terra per noss mats. Dentant: els cumpran lura las pli dutschas dutscharias ch'i dat. Nagut cun chaussas «saunas» sco in mail. Perquai il scumond «Ti na



### Ir en il Volg

vas betg en il Volg!» Lura vegn la proposta: «Ma jau cumpr insatge cun mes agens daners». E listess – i na dat nagut. Ma ils auters pon ir en il Volg a cumprar dutscharias... il cumbat cumenza danovamain. Ina dira chaussa – pervia che mangiar in mail n'è betg cool – stgisai: na vala betg sco cool. La marena a scola – betg in simpel tema uschia. Perquai è la sfida per ils geniturs da far daventar «cool» la marena sin plaz scola. Mails u Knäcke – quai stos magiar per tutgar lapro. Pertge na pon ils rapunzs betg mangiar pan da Knäcke en lur clips da video? U ils sportists, per exempel quels che van cun aissa? Tuts mangiassan be anc chaussas saunas. Cler che las dutscharias èn extrem bunas – ch'ins sto era pudair ir en il Volg ina giada u l'autra per cumprar endretg dutscharias.

La stad datti dal rest in tric per fascinar ils uffants dad ina marena sauna: laschar plantar els sezs p.ex. carottas. Mangiar per marena ina carotta plantada culs agens mauns? Definitivamain cool! Era emprender co ch'ins taglia ina fatscha ord in mail per exempel – fa daventar cool ina marena.

Cordialmain



David Spinnler